

日本外史卷之二十一

德川氏正記

德川氏四

慶長四年

慶長四年正月。內大臣在伏見。代豐臣秀吉。權決天下事。與大納言前田利家。中納言毛利輝元。中納言

上杉景勝。參議浮田秀家。式部少輔中村一氏。雅樂


頭生駒親正。帶刀堀尾吉晴。彈正少弼淺野某。治部

少輔石田三成。右衛門尉增田長盛。大藏少輔長束

正家。法印前田玄以。俱論外征諸將之功。奏請天朝。

以島津義弘。全我國兵。功最大。任參議。其子忠恒。任

淺野長政
兵部頭
四位上
相義弘
大隅守



德川氏正記
德川氏四
慶長四年
日本外史卷之二十一

三位中
納言家
久初名
忠恒

左近衛少將加封四萬石。賜刀劍。其餘行賞有差。豐臣秀吉之薨也。嗣子秀賴猶幼。內外疑懼。口耳相屬。石田三成增田長盛相與謀曰。德川與前田協心出政。我輩徒為其所驅役。方今之計。莫若離二家。二家已離。乃可以逞。二人乃為相惡者。長盛事我。三成事利家。利家嘗欲饗內大臣。期已定。長盛遽來警曰。大納言將不利於公。乃託疾辭饗。他日長盛謂利家曰。曩有流言。內府是以辭。今事已白矣。公復請之。利家曰。前日之事。吾辱已甚。吾不堪再被辱。長盛固請曰。內府悔不來也。苟請之。必欣然來。利家從之。長盛馳

越中守
參議三
位忠興
後號三
齋

見內大臣曰。利家奸計既成。公慎勿往。內大臣曰。吾不忍再辱之。及期將駕。長盛復至。出密移於袖。示之內大臣。驚怪。乃託事不往。利家慚憤。細川忠興與利家有姻。利家召而語之曰。吾衰老。為人所侮。何面目立世乎。吾將歸國也。忠興曰。公之憤固宜。然廢遺命。棄冲子。而自引之國。是自舍威權而取嗤於人也。利家乃止。而終與我有隙。是月。利家奉秀賴徙居大坂。內大臣送之。而還舟至平瀨。見岸上有兵。衆失色。以為大坂人追躡也。或曰。得非井伊兵來迎乎。近則果然。乃使殿而還。當是時。天下牧長豪傑。人人有自立

玄蕃頭 四位侍 從有馬 豐氏 兵部大 輔四位 侍從直 政 和泉守 四位少 將高虎 陸與守 三位中 納言政 宗 福島左 衛門大 夫 因幡守 康元

之志而槩皆忌德川氏相與欲圖之一日內大臣觀散樂于有馬氏并伊直政來請問曰今日外間騷擾恐有變宜及未昏還也藤堂高虎繼至密語久之共扶而出關東士民在京畿者更相告言曰我君將有難盍往護之來護第者數百人先是伊達政宗以上總介忠輝為女婿福島正則以松平康元女為婦蜂須賀至鎮自娶小笠原秀政女康元內大臣異父弟之子秀政者故世子信康之壻也諸老奉行使人讓三家私婚背遺令三家分疏不服諸老奉行遂連署來請使解政柄內大臣曰我固不欲執政也諸公厭

阿波守 四位侍 從至鎮 信濃守 秀政 岡崎三 郎信康 三位左 三位宰 相輝政 若狹守 三位宰 相高次 源五郎 四位侍 從長益 加藤主 計頭 左馬助 四位侍 從嘉明 彦右衛 門阿波

我我當引去於是諸將以前日變故皆有蹤跡反詰之京畿騷然黑田孝高其子長政福島正則池田輝政藤堂高虎細川忠興京極高次織田長益加藤清正加藤嘉明蜂須賀家政森忠政有馬則賴金森長近山岡景友新莊直賴等獨歸心於我每夜來護議事或勸入京極氏大津城內大臣不肯曰當是之際進一步得勢退一步失勢乃止榊原康政以更番至勢田聞警疾馳至大津故止不進塞關以壅行人行人填咽乃開關通之京師以為東兵大至也黨人之計以故大沮本多正信伊奈忠次等適監稅西上

日本外史 卷之三十一 德川氏 三 藤氏藏防

守家政 治部猶計 於我云云 見二十卷 四十二葉 美作守 三位中 將忠政 中務大 輔則賴 金森出 雲守 山岡宮 內法印 新庄駿 河守 榊原式 部大輔 四位侍 從

亦兼程至。內大臣延正信問謀。且曰。三中老調停尋盟。要我於大坂。可往否。正信曰。不可。因問曰。淺野彈正近爲何狀。曰。亦負平生。久不來此。正信卽赴淺野氏。與偕來。內大臣讓曰。吾與子親昵日久。太閤之喪。治部猶計於我。子何獨欺我乎。彈正少弼始知爲三成所賣。流涕陳謝。自是益傾心焉。而三成等務推戴前田氏。勸除德川氏。利家嗣子利長密告之。細川忠興忠興曰。吁。子亦爲治部所欺也。利長色變。忠興曰。子悔告我乎。前田氏存亡將決於此。不敢不忠謀。生死必與子俱。子勿憂。利長大悟曰。微子我殆不免。請

本多佐 渡守 伊奈熊 藏備前 守 肥前守 三位中 納言利 長

煩子諫家君。忠興乃入諫。利家曰。治部推戴公。知其情乎。彼欲專事權。而憚內府與公。乃欲假公力以除德川氏。今日除德川。明日及前田。公獨暗於此乎。公稔知其姦。今乃在其計中。而不自知也。夫內府雄資智略。諸將無出其右者。彼輩百計圖之。適竟自禍耳。公與彼輩共被其禍。不若自結於內府。以爲子孫之計也。利家頷曰。然。唯子爲我計之。忠興卽夜赴伏見。比曉。來入我第。具告以故。自是忠興數往來兩府。而憚外人指目。被篋笠。自操舟。時利家有疾。忠興與淺野。加藤等。俱勸其力疾赴伏見。面內大臣。利家從之。

越前中
納言秀
康
兵部大
輔四位
侍從藤
孝号幽
齋

內大臣乘輕舸迎入第。手設褥使坐。利家悉語諸奉
行密謀。勸我徙向島第。以絕覬覦。曰。吾百歲後。公幸
善視我兒。內大臣許諾。利家喜而去。忠興又請我往
答之。內大臣許之。三月。內大臣欲赴大坂。三成故縱
流言。以沮其行。欲使利家忿之。福島正則又諫曰。大
坂姦人巢窟。不可輕入。內大臣曰。亞相來可不答哉。
吾有警備。奴輩何能為。十一日。遂行。少將秀康留守。
加藤。池田。細川。福島。黑田。淺野。諸將皆從。以弓銃護
水陸。細川忠興以與利家有姻。遣父藤孝侍舟中。其
實質之也。舟至大坂岸。有女輿一人自輿中出。視之

孫四郎
利政能
登侍從
小西攝
津守

藤堂高虎也。進曰。道路恐有變。宜御此而行。內大臣
從之。入高虎中島第。終詣利家。利家喜。扶起迎謝。利
家次子利政有異心。為兄利長所制而止。及饗諸將
皆侍。利政佩利刃。將近內大臣。利長目攝之。利政不
敢發。其夜。內大臣復宿高虎第。諸奉行會于小西行
長宅。獨彈正少弼。以我館伴。辭弗往也。三成議曰。內
府。亞相復協矣。我輩將無噍類。為之何如。行長建策
曰。吾請今夜襲藤堂氏。縱火攻之。不則要之歸途。可
以獲志。前田玄以素歸心於我。因沮之曰。嗣君未長。
我輩受諸老之令。固其分也。今私動兵。背天下約。縱

使得志。豈能晏然哉。且諸宿將皆護內府。不可輒得志。交戰不決。而結城秀康以東兵來援。必大敗矣。增田長盛亦然之。長東正家曰。且謀之。謀還報曰。中島列炬如星。乃止。明日。內大臣北還。榊原康政為前驅。井伊直政為後拒。遂歸。伏見第。三成等悔恨。又謀襲擊我第。以為非樓忠興。則事不可成也。乃因玄以請忠興。啗以大封。忠興密告之。諸將。諸將曰。且可佯聽。以探其謀。忠興乃與三成會于長東氏。問三成曰。欲除內府。有何策。三成曰。我謀其邸。邸兵僅二千。邸側宮部氏。福原氏。皆為我黨。而其它頗高。我率眾據之。

宮部善
祥房
福原右
馬助

臨放火箭。竦其避火。迫以鳥銃。可以麀之。問其期曰。今夜矣。忠興憂之。而不動辭色。徐曰。內府素訓練其兵。二千人。決死出鬪。公保必勝之乎。且放火箭。何論地高卑。彼苟諜知我計。則我能放之。彼亦能放之。是非策之得者也。我有一策。我以吾兵二千。為子為先鋒。突入死戰。而公等以大衆承其弊。克之必矣。三成等不肯。忠興力爭。議未決。而天明矣。忠興走告之。加藤清正。並馳來白。內大臣曰。吾亦非不覺之也。奴輩來攻。則吾自焚。第出東北廣地。決戰耳。忠興等促徙向島。向島伏見故城址也。乃修築之。以二十六日徙。

居焉。諸奉行知事泄。皆着僧服。要謁于豐後橋。以謝其罪。物情稍定。池田。黑田。淺野。細川。福島。兩加藤。七將。皆與三成有仇隙。於是遂連署請誅之。內大臣不許。時三成依於利家。七將遂赴大坂請之。利家亦不許。閏月。利家病卒。七將議伺三成出。要擊之。毛利。上杉。浮田。島津。佐竹。五家。素善於三成。三成於是乃間行入浮田氏備前島第。而以五家兵自衛。秀吉在時。佐竹義宣嘗賂三成。得以兼并其國。深德之。義宣是時在伏見。聞三成急。馳見之。曰。衆怒不可犯。能制之者。獨德川翁。治部寧自歸焉。乃使女裝而往。自入乞

右京大夫四位
中將義宣

中村式部少輔
酒井河內守

命。內大臣許之。七將追至。夜治兵各第。而固請焉。內大臣心自計之。寢而不寐。水多正信入謁。欬曰。何亟就寢也。內大臣自中呼而問為誰。曰。正信。稟事。曰。所稟何事。正信曰。謂治部何。內大臣曰。吾方思之。正信曰。主公已思之。思則得焉。臣不必言也。趨而出。且日。內大臣使伊奈圖書出諭七將曰。治部窮來投我。我不忍與之。諸君且諸君欲以私憾戮重臣。吾何得許之哉。諸君必求逞其意。吾當助治部而與諸君決戰。七將大驚。勉從之。乃使中村一氏。酒井重忠。諭三成曰。衆情恟恟。子盍解職就國。是為幼主屈躬。以靖國

日本外史 卷之五 德川氏 賴氏藏版

三位中
納言景
勝

家之亂也。三成謝曰。當熟慮而答焉。三成乃潛馳使大坂。謀之於上杉景勝。大會諸藩主議之。謀曰。治部宜聽命就邑。退伺世變。然後上杉。佐竹。皆歸藩聚兵。不復來觀。下兵於八州。以撼其根本。則內府必自將赴討。毛利。浮田以下。乃群起其後。衷內府。而東西擊之。從征諸將。置質大坂。必不棄此黨。彼內府孤立。腹背受敵。雖有勇智。無復所施。竟窘蹙而乞降矣。天下之事。皆可圖也。乃使使者還密報之。三成。七日。三成聽命。十一日。就其邑澤山。內大臣慮七將要擊之。令少將秀康等護送之。七將不能發。三成既被擯。而諸

伊集院
右衛門
大夫

奉行皆不自安。因三中老。請內大臣。入伏見城。以鎮京畿。許之。六月十三日。自向島徙焉。諸藩主皆來賀。威望益重。七月。命諸奉行。令征韓諸將皆罷就國。上杉景勝請曰。去歲徙封。未及施政。輿地難服。君所悉也。請一往措置焉。佐竹義宣請曰。統內寇起。請往定之。前田利長亦以襲封後。未視國政。謁歸。皆許之。於是前田氏歸加賀。佐竹氏歸常陸。上杉氏歸陸奥。毛利氏歸安藝。浮田氏歸備前。而黑田氏歸豐前。加藤氏歸肥後。細川氏歸丹後。其餘諸將皆就國。是歲春。島津氏重臣伊集院忠棟有罪。島津忠恒誅之。伏見

日本外史 卷之五 七 賴氏藏

源二郎 久直 山口勘 兵衛 寺澤志 摩守

大野修 理亮 土方勘 兵衛河 內守

邨。衆尤其擅殺。忠恒懼。屏居于高雄。以疾罪。內大臣遣伊奈圖書。率兵數十。迎還其邨。聞忠棟子久直在國。舉兵。令忠恒歸討之。至是。又遣山口直友。勞之。贈以衣物。尋遣寺澤廣孝。諭降久直。八月。內大臣入朝京師。九月七日。赴大坂。欲以重陽節見秀賴。三成在澤山。聞之。遙授計於增田長盛。長東正家。長盛正家。乃就館。告內大臣曰。加賀黃門與淺野彈正通謀。曰。內府入城。則彈正佯與之博。因拉其手。令大野治長。土方雄久。耦刺之。內大臣與從者議。本多正信曰。宜稱疾不入。而徵兵伏見。以歸。并伊直政。本多忠勝。紳

大紙燈 酒井與 七郎備 後守

北廳淺 野氏

原康政曰。不入則曲在於我。臣等從焉。以死衛之。內大臣兩用之。乃徵兵。兵來者二千八百。九日。率而入城外堂。從外者十餘人。衛士欲止不納。直政厲聲曰。內府有戒心。關東野人不復知禮節。內大臣入見秀賴母子。直政忠勝。康政隔障而坐。少弼聞有讒言。稱疾不出。內大臣出至中厨。託言曰。厨下大紙燈。東國所無。當使從者觀。酒井忠利出招從兵。護衛歸館。內大臣曰。冲子在此。而我居伏見。其勢隔絕。姦所以易入也。吾將徙居與之密邇。長盛正家。請以西城奉之。秀賴嫡母北廳。時來寓西城。於是去歸京師。內大臣

日本外史 卷之三十一 賴氏藏

加賀守 三位宰相長重 橫山山城守

取人母為質是乃豐臣氏故轍不可為訓 不踏為愈 坂崎出 羽守 戶川肥 後守 岡越前 守 花房助

代入焉。使秀康留守伏見。十月。與正信議放治長雄久。使彈正少弼就國。不敢就。而赴武藏府中。以依其子。內大臣遂下令擊前田氏。前田氏治于金澤。丹羽長重請曰。臣邑小松。與金澤鄰。北伐之役。願為先鋒。許而遣之。細川忠興聞而來見。為利長白寃。因馳書加賀。使其老橫山長知來謝。內大臣命以利長母為質。利長聽命。是月。浮田秀家將坂崎。戶川。岡。花房。四人計攻嬖臣長船某。秀家欲誅四人。內大臣制止之。以四人附吏。時關東喧傳。上杉氏有異圖。石田氏亦招四方有名之士。島勝猛者嘗仕甲斐山縣氏。稱為

兵衛

五年 鼠巢馬尾

長船越 中守 島左近

直江山 城守

知兵。三成延為謀主。修繕守備。內大臣使人詰之。答曰。澤山當衢路。其荒廢不可不修也。五年正月。內大臣在大坂。受諸將參賀。一月中。納言牙騎有鼠巢其馬尾。人異之。或援文治故事。以為亂兆也。是月。內大臣令增田長盛。大谷吉隆。促景勝入覲。景勝稱疾不來。而東北諸國爭上變。告景勝有反形。乃令伊奈圖書再往詰之。景勝枝梧不服。四月。復令僧承允以書諭景勝。老直江兼續。五月。兼續復書。書辭悖慢。內大臣大怒。遂欲親將東征。中老奉行。並請命將代往。弗聽。乃大議軍事。按東國地圖。部署諸將所嚮。伊達氏

監物直政

保科正忠 筑前守四位侍 從長政 佐野肥後守 元忠留守 伏見 烏居彦

自信夫佐竹氏自仙道最上氏自米澤前田堀村上溝口氏自津川自餘侯伯從內大臣自白川進堀直政進言曰白川之道絕險所謂一夫當關千夫不過者恐難於進宜為之計內大臣曰彼執一鎗我亦執一鎗何難之有乃下令諸侯伯治兵以來月會江戶石田三成佯請自從不許乃徙前田氏質于江戶養保科正直女以妻黑田長政十五日秀賴來祖明日內大臣留佐野正吉于西城而自至伏見以鳥井元忠為留守以松平近正內藤家長松平家忠副之元忠嘗從三形原之役傷股而跛及老益難步履於是

右衛門 內藤次右衛門 五左衛門 門近正 主殿頭 家忠

聽堂上用杖翌夜入謝曰留守之任臣與近正足矣會津事勢重大家長家忠皆宜扈從內大臣曰京畿不保無變四將吾猶以為少也元忠曰無變則已苟有變則此城先被兵而四無應援臣當死以報國他將帥不宜留以貽敵也內大臣慰勞之曰吾童時質于駿河汝自參河來侍蓋十二歲矣今何老也留而與談夜已三鼓元忠曰明朝早發君少就寢因辭曰臣以此為永訣亦不可知也將起足益痺內大臣命侍者扶出目送攬涕而入且日駕發伏見譜第將帥在者盡從至大津見京極高次賜物及其諸臣以其

丹後守
高知

彦右衛門尉一
榮
大久保
相摸守
關原役之
起本
大谷刑
部少輔
檉原彦
右衛門

弟高知而行。及石部水口城主長束正家請鄉長之會。有告其異謀者。乃乘婦人輿。夜過城下。正家驚追。及於土山。謝罪。內大臣温言遣歸。諸侯伯相踵來從。得兵五萬。沿道將士以次饗之。至駿府。府主中村一氏。篤疾瀕死。使其子カツ榮從軍。軍至箱根。中納言使大久保忠隣。本多正信來迎。七月二日。至江戶。七日。大饗。內外諸將。休士馬數日。下軍令十三條。使前部先發。三成候內大臣之東也。曰。吾計中矣。乃議舉事。會大谷吉隆自其邑敦賀將會東師。三成使其老檉原某要之。垂井吉隆問知其故。語檉原曰。治部雖有才。

內府國棋
三成舉大
事有五不
可

而不為衆所喜。今舉大事。誠能推輝元秀家。而自下之。合其軍。以應景勝。或可徼幸萬一焉。雖然。我軍未合。而內府反旆。則所嚮魚潰矣。予將以此諫治部也。乃至澤山。問三成曰。子何以克內府。三成曰。西道豪傑皆應嗣君之令。當不日會大坂。而東北諸國。槩通於景勝。景勝繫內府數月。而我舉西諸侯。長驅踰箱根。可一舉而克。是諸老所定議也。吉隆曰。是亦可謂善計矣。而吾不保其中也。子獨不見夫奕棋者乎。中手相對。算成者勝。即遇國手。其所為皆出我意表矣。內府國棋也。吾恐其出子之意表也。且子舉事。有不

可者五。內府少小。角武田。北條諸豪。老於兵機。以故太閤之英略。終不能加焉。况於今人乎。其不可一也。內府國富兵強。諸大國莫可較者。其不可二也。內府資望重於諸侯。而子以卑位微力首事。其不可三也。內府多熊虎之將。在昔織田右府。選諸家將率。圖繪其像。時德川氏有參河一國。而上圖者十九人。今又不知其幾倍。我將士有類之者乎。其不可四矣。德川氏撫士非一日也。部屬精銳。義與國終始者。不可勝數。卽有死事。祿其孤於襁褓。士之親附如膠漆然。我乃以瓦合之師。校之。其不可五矣。有五不可。子必止

日本外史 卷之三十一 賴氏藏版

焉。三成曰。我已定約。其可止乎。且諸大國皆仇內府。內府不足畏也。吉隆大息曰。吁。子而有此謀。盍蚤告我。我託送內府。率兵從之。與長東大藏夾擊之。可一擊而獲。今已東矣。是放虎還山也。乃辭出。既而不忍棄之。遂還佐其謀。與俱至大坂。移書遠近。誣內大臣不利秀賴。抑留西諸侯赴江戶者。立花宗茂在柳川。得大坂檄。其老小野某曰。內府雖握兵。不能較西軍之衆。前跋後蹙。不過保守箱根之險。而天下皆歸豐臣氏矣。不若速就大坂。衆皆是之。立花增時曰。公等所言皆其形也。吾聞智將勝於無形。內府之東。必豫

大谷先見之明至此而暗矣蓋亦僥倖萬一也立花左近將監小野和泉立花參河增時入道覽賀如水孝

日本外史 卷之三十一 德川氏

高

三成藉口
幼主以樹
私權
小早川
金吾中
納言
北廳戒秀
秋見十七
卷六葉

知西之有變聞變之日即還軍矣且黑田孝高加藤
清正在我近地而素與諸奉行不善必應內府我宜
與之俱進退宗茂終從小野所言孝高清正果不從
大坂之徵曰三成藉口幼主以樹私權不可與也乃
勸島津義弘令歸東軍而三成急促義弘義弘終應
西軍孝高清正又諭小早川秀秋秀秋嘗為三成所
讒獲罪於秀吉以內大臣救之乃得免常思報効其
從母北廳氏又戒勿負內府而諸奉行陽推奉之秀
秋亦陽應之三成議收諸將孥于城內以為質遣兵
諸邸取之池田輝政妻為內大臣女加藤清正娶水

和泉守
忠重

伏見城之
守

三將松平
近正內藤
家長松平
家忠見上

野忠重女與黑田長政妻並為內大臣養女其族人
留守者皆以計脫之細川忠興妻明智氏使其婦前
田氏先遁而圍已合乃下令禁鬪縱火自裁三成懼
而戢兵使人入西城諭佐野正吉十四日正吉出諸
姬侍自奔伏見毛利輝元入居西城於是侯伯會大
坂者四十餘人為應援者三十六國乃議引軍東下
令增田長盛遣使伏見諭為井元忠曰大兵東下將
先攻伏見城城本豐臣氏之有也子棄而東誰得誹
議吾受內府眷顧又與子親善故相告也子速決計
元忠與三將答曰我知受君命而守不知聽他人令

日本外史 卷之三十一 德川氏

十三葉
鳥井元忠
决志於死

而走也。足下誠念寡君之顧乎。則當見勉厲。今乃示以走路。殊非所望。德川氏不乏於人。而我輩特受此任。固决志於死。雖有百萬敵。不敢逃避。請速來以試我鋒。使者再至。有刀而已。乃馳使關東告變事。二十日。浮田。小早川。島津。鍋島等十將軍。合兵四萬來攻。城兵僅二千。元忠盡焚城下街市。謂諸將曰。吾與諸君。以寡兵守大城。不可相救。各守其所死而後已。乃命酒訣飲。分陴而守。水下勝俊在城內。不自安而出。佐野正吉請入守。內藤家長辭曰。子不可俱守者。正吉曰。我日棄大坂者。以諸姬故耳。我將死于此。以明

鍋島加賀守

水下若狹守

上林竹
卷
茶商上林
政重以茶
筥爲號
攻細川藤
孝于田邊

我志。乃納之。茶商上林政重。素受我眷顧。亦請而入城。以茶筥爲號。秀秋。義弘。送款於元忠。請入城俱守。元忠不納。諸軍乃圍城。松平家忠出戰。不利。乃收兵固守。大坂兵乃別攻細川藤孝于田邊。伏見受圍之前日。中納言發江戶。其明日。內大臣繼發行。四日至小山。而伏見使者至。內外大驚。中納言自守都官還。少將秀康自結城來。親信將士皆會焉。本多正信曰。從征諸侯。其質盡在大坂。必不爲我用。爲今計者。宜盡罷歸之。而獨與諸舊臣固守四疆焉。衆多然之。井伊直政進曰。德川氏取天下。正在於今日。臣聞天與

伊井直政
曰德川氏
取天下正
在今日

不取。反受其殃。蓋速反大旆掃蕩群雄。區區保一隅。臣所不知也。作色而出。秀康曰。直政言是也。宜留一要將。而舉軍西上。內大臣曰。然。使秀康出迎。直政入。畢前議。旦日下令。盡會諸侯于小山。使井伊直政。本多忠勝。傳命曰。大坂將吏與景勝通謀。關西大亂。彼挾諸質子。而託言於幼主。諸君縱知其奸。亦情義之所難違也。卽欲歸西軍者。宜速解去。吾毫無所憾焉。當資其芻糧。送而達之。諸將相目未有所答。福島正則進曰。三成首事。非幼主所知。臣等焉受其顧指。以敵於足下哉。願充前驅。殄滅姦黨。淺野左京大夫與

德永壽昌
知兵矣
德永左
馬助

黑田長政。池田輝政。細川忠興。加藤嘉明等。皆贊其議曰。吾曹從足下。固不顧妻孥。內大臣悅。饗之。使人問曰。東西受敵。我馬首所嚮。先東乎。抑先西乎。諸將答曰。西哉。正則引滿屬長政曰。近日必以三成行長頭爲下物。內大臣出面謝諸將。諭曰。公等先行。我亦當繼往。因謂德永壽昌曰。子知兵矣。今日之事。勝敗如何。壽昌曰。雖諸侯伯舉敵足下。而各自爭威。號令不一。敗形已覩矣。內大臣曰。然。凡勝敗之決。在於元帥。我雖無似。又更事者。諸君苟聽我約束。吾平天下。不出五六十日矣。卽賜壽昌驢馬。以爲鄉導。賜正則

日本外史 卷之三十一 德川氏 二十六 賴氏藏版

汝畏景勝
邪

驪馬以為先鋒。直政忠勝請間曰。諸客將之意未可測也。藉第令無他。使此輩下手。以得成功。異日必曰。我輩取天下。以授德川氏。臣為主公羞之。請以臣等充監軍。當率以往焉。乃許之。諸將將發。皆獻誓書。納質於是。擇留守之任。本多正信薦秀康。乃召命之。秀康曰。兒願効力西討。何留守為。內大臣曰。汝年少。不知留守任重耳。且諸侯置質江戶。非汝莫以繫羣心。秀康猶不肯。內大臣叱曰。汝畏景勝邪。秀康乃頓首曰。兒留矣。苟許兒以大將。則不使景勝出白河一步。大人勿復憂。正信進拊其膝曰。壯哉。郎君。無論為大

宇津宮

車丹波

平岩主
計頭
松平勘
四郎伊

將。內大臣濺泣。取一甲授之曰。是我少小所被。未嘗視背於敵。今以附汝也。秀康拜辭。以萬人陣于宇津宮。令東北豪傑皆受其節度。初佐竹義宣觀望兩端。陰遣梟將車猛虎。率兵救景勝。及西事起。益修守備。內大臣使人詰之曰。子撫四萬之衆。無一人東馳者。我不能無疑。苟不懷他心。則速擊會津。且納質焉。答曰。僕於足下。素無怨仇。何有他心哉。至若妻子。盡在大坂。無復可納者。諸將請討之。內大臣曰。且置諸上。國本也。東鄙末也。苟覆其本。末不患其不靡矣。乃使平岩親吉。松平信一。統下總諸豪以備之。初伊達政

豆守
子復發故
態乎

宗在大坂。請先馳歸以備會津。內大臣笑曰。子又發
故態乎。事平當賞以地。慎勿遽戰。政宗歸國。即襲取
白石。內大臣使中澤主稅往告西事。問其去就。政宗
誓不貳。主稅曰。內府有別命。使公君臣熟議三日。而
後告之。政宗請速聞之。不答。明日固請。乃答曰。內府
使謂公曰。吾留兵守津宮而西上。公收兵退守其疆。
彼慮其後。不敢尾我。我捷西軍而來。可夾而殲之。政
宗曰。吾力戰取此城。曷可遽棄之。宜乘勢入會津。主
稅曰。是內府所以丁寧也。勝敗不可必。苟有敗衄。適
張敵勢。四近皆叛。翼而西鄉。其鋒豈易遏乎。願熟思

以會津百
萬石附公

最上出
羽守四
位少將
監物直
政
丹後守
直寄
溝口伯
者守
村上周
防守

之。公苟聽從。寡君更有密旨。政宗沈思久之。乃問曰。
密旨何如。主稅附其耳。語曰。事平。以會津百萬石附
公。政宗大喜。使人送至小山。乞印信。收兵歸大崎。最
上義光素戴內大臣。則首攻會津。率東陸諸侯臨米
澤口。掘直政其子直寄。與溝口村上氏。數擊。越後人
應會津者。內大臣皆下令禁戰。於是東事處置盡定。
乃使西征諸將。以二十八日發小山。當是時。天下將
士東西嚮背。來往如織。而父子兄弟。分處兩地者。迭
懷危疑。訛言沸騰。內大臣使召還黑田長政。謂之曰。
卿謂正則之心如何也。答曰。臣保其無他。即有他。臣

日本外史 卷之三十三 德川氏 賴氏藏版

日本外史 卷之五 賴氏藏版

生駒讚
岐守
九鬼長
門守
雅樂頭
近正

變書爲笠
糾
大隅守
家政
山内對
馬守
堀尾信
濃守
利井弥
八郎
水野和
泉守

控掣之。乃賜長政鎧胄。遣之生駒一正。蜂須賀至鎮。九鬼守隆。其父皆在西軍。内大臣留之不遣。已而一正父近正。至鎮。父家政皆送款。守隆亦固請歸志摩。招其父嘉隆。乃皆遣之。山内一豐之室。自大坂馳使告事。以路徑敵中。變書爲笠糾。一豐得之。不解而獻。内大臣還之曰。猶觀也。一豐又諮堀尾忠氏曰。子何以表志。忠氏曰。欲納城。一豐曰。善。乃自納其掛川城。先是忠氏父吉晴。受内大臣命。自濱松赴越前。將守其別邑府中。途遇所知利井重茂者。與俱至刈谷。刈谷城主水野忠重。饗之。卒爲重茂所刺。吉晴驚立斬。

日向守
勝成

田中兵
部少輔

山村甚
兵衛
千村平
右衛門
遠山久
兵衛尉

重茂。重茂石田氏所使也。報至小山。曰。吉晴殺二人。内大臣不懌。衆欲執忠氏。中納言曰。吾識彼父子爲人。是必謬傳也。已而得實。遣忠重子勝成。還撫其衆。而忠氏首發納城之議。一豐旣納掛川。忠氏亦納濱松。中村一榮納駿府。有馬豐氏納橫須賀。池田輝政納吉田。田中吉政納岡崎。福島正則納清洲。乃令諸舊臣代守焉。海道於是闢。而山道未闢。本多正信建策。擢木曾氏遺臣山村良勝。千村吉晴。歸徇木曾。盡逐西吏。命遠山友次。徇東美濃。取其故邑。西尾光教以美濃兵來歸。真田昌幸以信濃兵叛去。昌幸長子

日本外史 卷之五 賴氏藏版

西尾豐後守

信幸之妻

內大臣由海道中納言由山道
富田信濃守
稻葉藏人

信幸素受我眷顧。固諫之。昌幸使之赴小山。而自與次子幸村西走。夜過沼田。沼田信幸邑也。欲入見其婦。婦本多氏。忠勝女也。辭曰。良人不同歸。是必有故。妾不敢私開門。欲見其子。曰。公欲抱孫。何必今日。遂命士卒乘陣。昌幸不能強去。歸上田。厲兵以竅我軍。我軍分爲二。內大臣由海道。中納言由山道。今定未發。內大臣乃赦淺野大野土方三人。以上方雄久與前田利長有姻。遣之北陸。勗利長使發兵扼越前。今富田知信。稻葉道通等就封伊勢。各自爲守。又發間使。予書于黑田孝高。加藤清正。遙授方略。使統西海。

將士以撓西軍之後。孝高益以書諭小早川秀秋。歸款於我。秀秋自伏見送書小山。謝曰。僕發篋前來上國。本將會於東征。不圖爲賊所要。共攻伏見。勢不可獨異。請竢大旆來。倒戈以償前罪。初西軍向伏見。以爲當一鼓而取也。已而我諸將捍禦不屈。敵益用大礮巨煩。攻擊十晝夜。城中有甲賀人長束正家部兵與之相識。浮田秀家命射書於城上。誘其內應。曰。不聽則礮汝孥。八月朔。甲賀人縱火松城。西軍爭登。秀秋逼名越堡。松平家忠。松平近正。力戰死之。島津義弘逼西堡。內藤家長開門而射。殪十餘人。被創退入。

德川氏

日本外史 卷之三十一 三十一 杉原親憲

甫安稱
左衛門
尉

作書附一卒曰。汝潰圍達之關東。遂縱火自殺。其子
小一郎。與安藤定次。佐野正吉。山岡甫安。皆死之外。
城已陷。鳥井元忠之卒。勸其自殺。元忠曰。未也。殺敵
一人。亦非報國乎。乃嬰壁亂射。殺傷過當。敵發火箭。
焚樓櫓。隨撲隨燎。元忠知不可守。麾兵二百。開門血戰。
七合七克。敵眾群進。我兵皆斃。至斯養之卒。無不戰死。
元忠杖薙刀。踞階而息。敵人雜賀重次。進欲擊之。元
忠曰。吾本城大將也。授汝首。重次橫鎗揖曰。僕豈敢
君請自刃。元忠乃使重次釋已鎧。自割腹而死。年六
十二。重次到而裹之。并諸將首。傳于大坂。賈人某竊

雜賀孫
一

元忠死賈
人竊其首
葬知恩院
賈人佐

野四郎
右衛門

杉原常
陸介
遺軍麾

元忠首葬之知恩院。是日我前軍發江戶。內大臣發
小山。四日至江戶。得伏見之報。哀慟恤戰死者。子皆
令襲封。米澤口諸侯聞伏見陷。內大臣歸江戶也。疑
懼引還。越後諸侯亦收兵自保。越後人應景勝者。亦
收入津川。上杉氏將士請尾擊內大臣。景勝不敢許。
其將士竊相賀曰。內府西顧。狼狽而回。我勝必矣。獨
杉原親憲有憂色。曰。內府回軍。非不得已也。內府若
勝。則我公何以獨立乎。初內大臣之赴小山也。遺其
軍麾中路覺之。從騎欲馳歸取之。內大臣曰。無以為
也。命伐道傍竹篠。為麾柄。取紙手裂之。束於柄端。試

日本外史 卷之三十一 德川氏 負氏版

脇坂中
務少輔
朽木河
內守
赤坐越
中守
小川左
馬助

揮之者再曰。如景勝者。用此而足矣。及發小山。擲之地曰。此亦毋用矣。石田三成遺書真田昌幸。報知上國之捷。轉致會津。且曰。內府分兵守管內十餘城。與上杉佐竹相持焉。能歷二十日行程而來上國哉。即能來乎。邀之海道。擊而擒之耳。子善守山道。諸老皆欲賞子。以信濃也。昌幸喜益治兵。三成等又遺書北陸。數招前田利長。利長不應。大谷吉隆導京極高次。及脇坂朽木赤坐。小川諸將入越前。長束正家導毛利秀元。及長曾我部等入伊勢。中納言織田秀信在美濃岐阜。介居東西衝要之地。西人誘以大封。秀信

毛利甲
斐守
長曾我
部土佐
守
岐阜中
納言
氏家內
膳正
羽柴下
總守
岡部孫
次郎
青木紀
伊守
山口玄
蕃守

欲應。其臣諫曰。豐臣氏嘗負我。德川氏嘗助我。宜以今日決去就焉。前田玄以為京師所司代。亦教其歸東軍。秀信弗聽。終為西人城守。氏家行廣以桑名。羽柴勝雅以神戶。九鬼嘉隆以鳥羽。岡部某以龜山。丹羽長重以小松。青木一矩以北莊。山口正弘以大正寺。皆應西軍。西軍總十八萬騎。其圍伏見者。引而東下。入美濃。修大垣城。以為根據。使四近將士砦于犬山。以援岐阜。十一日。三成先入大垣。以迎諸將。警聞至江戶者。項背相望。丙大臣曰。我已處置之矣。舉動如常。十三日。我監軍井伊直政。本多忠勝。引前軍二

日本外史 卷之三十一 德川氏 三十一 賴氏藏版

市橋下
總守
福東
高須
大垣
村越吉直
銜命而至
助村越茂

十七將騎卒五萬。至清洲。距大垣七里相持未戰。毛利氏前部攻阿濃津城。城主富田知信受東命。固守不下。夜出擊敵將長束正家走之。我將德永壽昌與市橋長勝攻福東高須二砦取之。以絕大垣。彘名糧道。而大垣兵日加。我軍有流言。前軍諸將與敵通款。二監數返使江戶。促內大臣親出。欲以鎮軍情。不獲命。十九日。村越吉直銜命而至。二監迎問其旨。吉直曰。稱疾不出耳。二人大驚曰。子慎勿將此命。果將則諸將解體矣。因私改其命授之。且日會諸將。而引吉直。吉直心竊謂二監所言。主公豈有不知乎。我素以

岐阜
犬山

尾越川
河田渡

率直名。而特受此命者。取我不枉其言也。乃言於諸將曰。內府言諸公久屯良苦。吾有寒疾不可速出。二監失色。諸將默然。加藤嘉明日。臣聽命矣。福島正則曰。何謂也。嘉明日。吾曹與敵對壘。未嘗出戰。大旆之不西上。不亦宜乎。正則拍掌曰。然。衆遂議進取。正則曰。岐阜兵衆。而阻木曾川。未易攻。我聲言攻犬山。則彼必分兵援之。我則逼岐阜。岐阜陷。則犬山自潰。二監從之。織田秀信果分兵來援。二監乃部署諸將。留藤堂高虎。黑田長政等。備大垣犬山。令福島正則涉尾越川。出其面。池田輝政亂河田渡。出其背。諸將分

日本外史 卷之三十一 德川氏 三十一 賴氏

主一
作至

米野
竹鼻岩
淺野左京
大夫攻岐
阜別堡
一柳監
物

隸之兵各萬餘。正則以河田上流路捷欲自赴之。以先諸軍。輝政又以出敵背為耻。二監諭正則曰。公已受先鋒之任。誰能爭之。但公主本州舟筏可辨。池田不然也。諭輝政曰。公德川氏之婿。當務利其翁。何悻悻然與眾人爭尺寸乎。二人乃服。岐阜人聞警。請堅壁以竅大垣。援秀信不聽。出兵阻水。二十二日。輝政亂流遇敵于米野。破之。攻北門。正則攻陷竹鼻岩。攻南門。城兵善拒。不可拔。淺野左京大夫與一柳直盛等攻其別堡。堡險而躋。左右泥淖。大夫老臣淺野右近生長美濃。諳其地理。蹊田而先登。揚徽于壁上。大

南部
遠山

加藤左
衛門尉
竹中丹
後守
關長門
守
呂久川
合渡

夫望之曰。右近不可亡也。馬上揮鎗。身先士卒。士卒皆奮。奪壁而入。斬城將南部。遠山以下五百人。餘兵走城。城中驚擾。諸將因爭登。秀信遂乞降。逃奔高野。正則與輝政爭功。欲鬪。二監折之曰。以私忿忘公事。誓辭之。實安在。二人服而罷。犬山敵聞敗而懼。成將加藤貞泰與竹中重門。關一政。皆拔歸我軍。自餘諸將皆遁。大垣敵聞我攻岐阜。即出援之。島津義弘。石田三成。陣呂久川。遣三千人。進至合渡。長政。高虎等。謀知之。相謂曰。是吾輩任也。乃分道而渡。天方霧。敵兵不覺。諸將急擊敗之。追北至呂久川。義弘曰。前軍

日本外史 卷之三十五 德川氏

日本外史 卷之五 藤堂玄 赤坂爲頓軍之地

雖敗吾與子整兵橫擊則勝三成曰敵兵銳進岐阜
蓋陷矣吾已不能援何可當新勝之鋒乎收敗兵俱
還大垣高虎族高政進至赤坂諭居民使安堵諸將
繼至止舍定爲頓軍之地南與大垣對會浮田秀家
至自伏見三成迎而犒之推爲元帥秀家曰敵兵戰
疲深入客地吾乘夜襲之以逸擊勞必得大利矣三
成曰當與鳥津小西議秀家曰兵貴神速何議之爲
吾獨出決戰耳三成止之曰鳥津小西皆以爲地勢
沮洳不便夜戰且夜戰以寡擊衆者也今以衆擊寡
何必於此今毛利參議在伊勢安藝中納言在大坂

藤堂玄
蕃
赤坂爲頓
軍之地

竢其盡至合軍決勝秀家曰我軍盡至勝其可決乎
雖然子稱老輩之言吾後生也不敢違焉唯子勿悔
之乃入大垣小早川秀秋自伏見至高宮稱疾不前
三成等疑之使人往議事因刺之秀秋覺不見於是
稱疾愈來至美濃不敢入大垣大垣群帥以岐阜陷
召伊勢越前之軍毛利秀元長東正家等再攻富田
知信知信堅守累日上野城主分部光嘉棄城來歸
與俱守知信妻有勇翼夫而戰其郭已陷嬰守內城
於是敵使僧興山入諭致城不聽強而後聽秀元正
家等乃入美濃秀元族將勸秀元歸東軍遂陰送質

左京佐
光嘉
高野木
食上人

日本外史 卷之五 藤堂玄 赤坂爲頓軍之地

日本外史 卷之三十五 藤氏藏

南宮山
松尾山
長松在大垣城西北
曾根在大垣城東北

大谷吉隆數誘前田利長利長不應與弟利政攻拔大正寺進至細呂木欲攻北莊謬聞東軍敗于海道乃退遇小松兵于淺井噉力戰而還吉隆與京極高次等取大正寺府中於是亦入美濃高次素歸心於我欲城守大津故遲回不發脇坂以下先發亦已通款焉而吉隆不知也使之陰備秀秋秀元屯于南宮山秀秋屯于松尾山皆在大垣城西島津義弘屯于城東城北有長松砦砦將某為西軍守及我軍至赤坂棄守遁二監遣一柳直盛守之益旗幟張疑兵又遣水野勝成守曾根砦為其聲援西軍聚議不決我

因幡守
康元
日向守
家成

九月
金扇馬表
葵章白旗
丹波守
康直
酒井作
右衛門
村串與

軍亦以敵兵衆盛不敢出戰日竢內大臣至內大臣得村越吉直之報大喜乃命榊原康政輔中納言以兵三萬西上以二十四日發下野直出山道間日得岐阜捷報使人轉告東陸諸國賜書正則輝政以下賞之曰且勿戰以待我出命異父弟松平康元及石川家成留守江戶五郎信吉及松平康直留守其西城遂命諸城留任九月朔內大臣親將發江戶酒井某村串某擎金扇馬表葵章白旗在馬前近藤秀用大久保忠教掌鎗渡部守綱伊奈今成成瀨正成安藤直次等十五人為弓銃隊長下野守忠吉以下親

日本外史 卷之三十五 藤氏藏

左衛門近藤登之助大久保彦左衛門伊奈圖書助成瀬隼人正安藤帶刀

屬將領三十餘人。兵凡二萬五千。石川家成白曰。臣聞星家之言。今歲西方塞矣。請避方而發。內大臣曰。西方塞。則我擊而開之。遂發自東海道。鼓行而西。近畿西國將士爭發。使者上狀馬首者。絡繹屬道。而東北空虛。宇都宮軍中訛言。會津悉甲南下。少將秀康使人言於景勝曰。小子受父命。居守於此。不能從上國軍。甚苦無事。願與公一戰。公能來乎。抑小子當往也。景勝辭。顧遣兵北攻山形。最上義光。伊達政宗。與之對守。堀秀治聞岐阜陷。大軍西上。乃攻取津川。前田利長將會大軍。發兵復攻小松。小松既通。欵乃攻

堀左衛門督

內記忠明加藤清正攻小西氏於肥後大友修義統大垣落我手

大正寺。逐敵守兵。遂招北莊。會前田利政。以能登坂。乃不敢進。京極高次守大津。西軍三萬攻之。不能拔。細川藤孝守田邊。與西軍二萬相持兩月。加藤忠明迎擊毛利氏軍于伊豫。加藤清正攻小西氏於肥後。黑田孝高攻大友氏於豐後。迭有勝敗。十一日。內大臣至清洲。召直政。忠勝於赤坂。賞其功勞。止軍二日。以俟山道軍。軍不至。內大臣決策獨發。十三日。至岐阜。或獻巨柝實。內大臣戲曰。大垣落我手矣。擲之地。使近士爭取之。益以垣柝國音相通也。十四日。發岐阜。前軍諸將迎謁。呂久川上。內大臣面褒岐阜戰功。

赤坂

遂率諸將至赤坂。當是時，天下之兵美濃以東者，槩屬我軍。美濃以西者，槩屬敵軍。四方豪傑，割據方隅者，皆觀望其成敗。而東軍以內大臣來，士氣大振。西軍偵騎走報，大垣曰：赤坂多白旗，得非內府來乎？秀家三成等陽大言曰：彼方憂上杉佐竹，路阻不進焉。得遽來此乎？我諸將請乘機攻大垣。內大臣曰：大垣城壘壯固，兵食皆足。秀家雖少，非暗者也。而義弘行長正家，吉隆一心戮力，持重不出，攻之必損我兵矣。獨三成輕而恃衆，若誘出之外，使秀秋、秀元撓其後，則可一戰鏖也。我且動軍以試之。日午，建大將旗鼓。

岡山今呼勝山，蓋由戰勝也。

一色村

株瀨

一榮兄
一氏稱
式部大
輔

于岡山，令諸將少移陣而前。三成邀秀家，登丘而望曰：東軍塵外，何也？偵騎爭報曰：內府來矣。諸軍聞之，恟懼。鳥勝猛曰：是張聲勢以怵我耳。我當乘其動搖擊之。秀家曰：然，藉內府來，亦吾所期也。吾與治部嘗以先鋒挑戰，勝猛建策設伏於一色村，而遣輕銳涉株瀨，犯中村一榮陣。一榮迎戰，有馬豐氏在其傍，分兵援之。西軍走，一榮張左右翼追之。內大臣自中軍望見，謂侍臣曰：式部嘗練兵，隊伍可觀也。追者渡而進，內大臣曰：嘻，敗矣。果遇伏，走者皆還。我兵不得退。內大臣命直政、忠勝往收之。二人即馳左右指揮，自

日本外史

卷之三

德川氏

三

負氏藏版

殿而退。敵兵不能尾。收入大垣。大垣諸將會議曰。內府來確也。何以決勝。秀家曰。彼必悉銳來攻。我守備既具。足以待之。田邊大津之兵。將不日來會。安藝黃門亦當繼至。我疲敵于堅城之下。而內外擊之。其勢如鷹鷂之搏鳥雀。是全勝之策也。三成曰。不然。今敵兵半於我。吾聞倍則戰。未聞倍則守也。我輩擁大兵。征伐關東。而坐守孤城。不敢出戰。天下之望我者。皆沮喪矣。往年小牧之役。太閤過慮。當戰不戰。終成內府之名。今豈可貳過哉。諸將負勇者。多有其議。吉隆正家爭之曰。當今之世。誰與內府決勝於野戰者。獨

日本外史 卷之五十一 三十一 賴氏

中納言似指浮田秀家然此卷首有參議浮田秀家無中納言之語而下文有備前中納言敵不敢出我將置兵而西直取大坂關原善提山中務大輔家久見德川甲背

有持重以疲之而已。中納言謀慮深長。宜聽從之。議未決。內大臣揣知之。乃宣言曰。敵不敢出。我將置兵而西。直取大坂矣。皆束裝。大垣諸將聞之。終決議出戰。曰。備前中納言出陣關原。安藝宰相以前軍邀敵。薩摩參議自善提山。赴赤坂之北。遶出敵背。三成以下。分屬三軍。胥機合擊。齊東軍于呂久合渡。乃下令治兵。使人出戒三國之軍。即夜。島津義弘使族家久入說曰。東兵遠來。衆心未定。請今夜潛兵襲擊。吾為先鋒。衝其麾下。必利。不利。乃赴關原。為未晚。島勝猛曰。詰且之事。吾將再見德川甲背。何必草草為也。三

日本外史 卷之五十一 德川氏 三十一 負氏

飯七爲矩

小關村
栗原山
天滿山
有馬修
理大夫
河尻肥
後守
糟谷内

成曰。然家久願勝。猛曰。子嘗見德川甲背乎。對曰。僕少仕甲斐。嘗追之遠江矣。家久曰。今德川非舊德川。子同視之。可謂飯七爲矩也。不辭而出。毛利秀元素通於我。乃託言不欲爲秀家先驅。三成親往諭之。不肯。三成乃約曰。吾輔浮田君與敵交鋒。而公橫擊之。吾昏其時。舉烽爲號。秀元佯諾。三成乃赴筑前軍。見秀秋勗之。遂北赴小關村。大垣諸將繼發。設大炬于栗原山。以燎路。路監隊伍不整。又遇雨。衣甲皆濕。五更而達。浮田秀家。島津義弘。背天滿山。東向而陣。小西行長陣其左。石田三成又陣其左。有馬。河尻。糟谷。

膳正
石河光
吉
松尾山
南官山
布施飛
彈守
玉置小
平次
平塚因
幡守
長松
曾根
戶田武
藏守
脇坂以
下四將
見上
鍋島信
濃守

石河。布施。玉置氏陣其右。大谷。吉隆。與平塚爲廣戶。田重政。又陣其右。小早川。秀秋。屯松尾山。脇坂。安治。小川。祐忠。朽木。元綱。赤坐。久兵。在麓。毛利。秀元。屯南官山。鍋島。勝茂。長束。正家。長曾。我部。盛親。安國。寺惠。瓊。在麓。皆北嚮而陣。騎卒。凡十二萬八千。福島。氏候。吏法。齋者。走報曰。敵出矣。正則問何以知之。曰。臣撥馬矢。皆温。是以知之。正則乃使人赴岡山告之。旣而長松。曾根。諸砦。皆上狀。内大臣。哂曰。敵墮我術中矣。乃下令軍中。部署諸將。以福島。正則爲先驅。下野守。忠吉。與井伊。直政。本多。忠勝。爲申驅。黑田。長政。加藤。

日本外史 卷之五 德川氏 負氏 賊反

長曾我 部宮内 少輔 祖父江 法齋 竹中見 上 戶川肥 後守 津田長 門守 京極丹 後守 筒井伊 賀守 稻葉右 京亮 遠藤但 馬守 小出遠

嘉明。細川忠興。田中吉政。生駒一正。竹中重門。戶川
達安等爲右軍。藤堂高虎。山内一豐。織田長益。津田
信成。京極高知等爲左軍。蜂須賀至鎮。筒井定次。稻
葉貞通。遠藤慶隆。小出秀家。龜井茲矩。寺澤廣高等
爲游軍。淺野左京大夫。池田輝政。與中村。德永。市橋。
有馬。金森等。備南宮山。水野勝成。松平康長。與一柳。
松下。西尾。津輕等。備大垣。内大臣自以麾下爲中軍。
酒井家次居前。本多康重。大須賀忠政居後。騎卒凡
七萬五千。遣與平貞治。潛赴松尾山。監秀秋軍。使疾
戰酣。爲内應。黑田氏將毛谷主水使至中軍。召問敵

日 九月十五

江守 桃配野 龜井武 藏守 寺澤志 摩守 關原 松平丹 後守 一柳松 下見前 西尾豊 後守 津輕右 京亮 左衛門 尉家次

數對曰。三萬。曰。我候騎皆以十餘萬告。汝何所見。對
曰。臣算其鬪士而已。内大臣大悅。十五日。黎明。親擐
甲。不胄而中。上馬。率諸軍。進至桃配野。召忠勝曰。南
宮之敵可疑。忠勝曰。彼若挾詐。當下山陣。今猶在頂。
是無慮也。内大臣曰。然。賜忠勝以名馬三國驪者。遣
之。自進軍可半里。家次以白旗十二旒。先行三百步。
會天大霧。咫尺不可辨。東西之軍。遇于關原。日加辰。
而天霽。敵諸將覩我軍已近。欲誘致而夾擊之。未敢
挑戰。忠吉時年十二。與直政以兵三百。踰正則陣而
前。正則臣可兒才藏。誰何之。答曰。下野公子。井伊侍

日本外史 卷之三 德川氏 是 領氏 陵 坂

本多豐
後守
大須賀
出羽守
奧平藤
兵衛
出雲守
忠朝
黑田長
政
田中吉
政
生駒一
正

從自爲斥候也。曰：候騎不可多。直政乃附兵於其老木，俟右京而以十餘騎馳。既而中軍鼓螺起，諸隊大闕弓銃已交。忠吉親冒義弘陣，與一驍騎搏，墮馬命從兵斬之。復進被創，直政扞戰。右京尋至，忠勝乘三國驪，橫衝敵陣，陣皆披靡。其子忠朝手斬二騎，義弘行長戰甚力，秀家亦擊正則，殺傷數百。我衆將卻，正則叱咤督戰，會游軍來援，合兵疾擊我右軍，自菩提山南循麓而進。長政豫棟死士十餘，自從欲必擊三成。先諸將迫其柵，斃三成將島勝猛。吉政一正與三成將蒲生備中、北川十郎戰而不利。嘉明、忠興擊其

平岡石
見守
稻葉佐
渡守
津田信
成
織田長
益

橫吉政等返之。左軍諸將自道南進，直擊吉隆。吉隆與爲廣、重政健鬪，我兵不可進。時日將午，兩軍迭進互退，勝敗未決。西軍數舉烽，秀元不敢動，秀秋亦不敢應。東軍發礮松尾山以試之，奧平貞治亦促之。秀秋乃以兵八千下山，平岡重定、稻葉正成爲先鋒，迫吉隆之右，不利。貞治戰死，脇坂、朽木、小川赤坐諸將與我左軍相翼而進，信成長益斬重政。小川氏部兵斬爲廣。秀秋返戰，三面合擊。於是內大臣傳令諸軍鼓躁齊進，聲震天地。西軍大動，我先驅乘之，擊走秀家。我左軍既獲吉隆，進與右軍夾擊，走三成，斬

日本外史
卷之三
德川氏
三
貞氏戰版

日本外史 卷之三十一 新編 德川氏

十郎備中行長之軍。望見擾亂。欲却而整。我申驅迫。擊走之。義弘以一軍東南走。正家盛親等皆潰。西軍遂大敗。我軍乘勝追北。斬首四萬級。原草為之赤。未時戰罷。我士卒死傷不滿四千。將帥無一人死者。盡赴中軍。効首虜。內大臣據胡床。顧左右取胄。左右怪問故。內大臣笑曰。諺所謂勝而肅胃。綦者也。乃以忠勝為檳。延見諸將。忠勝贊曰。列侯今日之戰。皆絕類離群矣。正則曰。中務用兵。乃過所聞。忠勝曰。敵脆弱。不足較也。忠朝來謁。刀反不入室數寸。衆壯之。忠吉直政裏創而至。內大臣起視。直政創。手注藥。以其餘

勝而肅胃
綦

手注藥直
政創以其
餘賜忠吉

賜忠吉。直政告忠吉戰狀曰。鄙語言鷹之俊者。其雛亦俊。臣於四郎見之。內大臣曰。發縱者得宜爾。秀秋秀元疑懼未至。內大臣使人召秀秋。乃與脇坂安治等來謁。膝行而前。莫敢仰視。正則耳語長政曰。黃門何醜也。長政曰。雉而遇鷹。固宜如此。內大臣使秀秋攻澤山。自効。以小川赤坐有罪。奪邑放之。秀元使使賀捷。以其父輝元在大坂。不敢先謁。引而西歸。池田淺野等亦撤備上謁。正則進而言曰。足下決天下勝敗於一日。振古所無也。岡江雪曰。譬之猶昏夜向明也。盍凱。內大臣曰。諸君為我努力。得以取此大捷。而

日本外史 卷之三十一 德川氏 三十一 賴氏 藏版

直政忠勝
次今須
內大臣舍
藤川

諸君家室皆在大坂。吾心未降也。不出數日。取附之。諸君。然後凱耳。諸將聞之。有感泣者。於是發使者。東報捷於中納言。及少將秀康。使直政。忠勝。西次。今須。自以諸軍止舍藤川。內大臣既大捷。西軍崩潰。散之四方。四方豪傑莫不震懼。旬月之間。六十餘國盡服。於德川氏。先大捷四日。田邊圍解。細川藤孝徒龜山。先大捷一日。大津陷。京極高次之高野。敵圍二城者。或奔或降。大捷後一日。內大臣進踰磨針嶺。陣正法寺山。使直政。忠勝率小早川。脇坂以下攻澤山。澤山兵已逃。殘黨死守。明日。直政自城後水道入。縱火焚

福原右
馬允
熊谷內
藏允
垣見和
泉守
相良宮
內少輔
秋月長
門守
高橋右
近大夫
丹後守
康長
備中守
長吉

之。諸軍繼入。族誅石田氏。遂徙陣永原。明日又徙八幡山。懸令大索諸渠率。我軍留備大垣者。聞關原戰作。進薄其陣。城將福原某。石田氏戚屬也。與熊谷。垣見。相良。秋月。高橋等。固守不下。松平康長令銃率。以銃代楮。破陣而入。奪其外郭。議曰。大師既捷。是何足損我兵。乃緩攻之。四日。相良以下素通款。於是斬熊谷。垣見以降。福原削髮遁。尋賜死。我軍留備南宮者。奉命追擊。多所斬獲。池田長吉。龜井茲矩。逼水口。獲正家。還報。以城內貨財賞賜之。近江人捕行長獻之。田中吉政捕三成于伊吹山中獻之。十九日。內大臣

日本外史 卷之三十一 德川氏 三十一

日本外史 卷之三十一 賴氏藏

池田輝政

增田長盛 見卷首

幕于草津。天皇使使勞之。內大臣拜謝曰。茲人託事。擾亂天下。臣家康賴諸將吏之力。得以攘除之。四方殘黨。當不日來降。幸勿勞聖慮焉。乃命池田左衛門尉。福島左衛門大夫。淺野左京大夫。先入京師。鎮撫士民。且慰問北廳氏。大坂聞敗。內外失色。輝元。長盛。馳使乞降。內大臣不答。使大野治長往諭秀賴母子。曰。近日之事。吾明知。不出冲子也。今亂人既獲。宜安堵如故。於是衆情大安。京畿帖服。而山道軍亦至。山道軍以是月二日。至小室。使真田信幸招其父昌幸。昌幸不肯。榊原康政曰。彼必夜來。嚴備以待。昌幸果

左門一 西

仙石越前守

森右近大夫

內大臣怒中納言怒

期称疾不見

酒井備後守

井伊直政

酒井忠利

口爭儲君

愈戰期

至不敢迫。本多正信勸攻之。戶田一西爭之不聽。六日。攻之不利。乃令小室城主仙石秀久。川中城主森忠政。備之。而西。十七日。至妻籠。遇報捷使者。兼程以至。內大臣怒其愈期。稱疾不見。中納言垂泣而出。康政正信與大久保忠鄰。酒井忠利。請見。亦使井伊直政辭之。直政素受寵任。又為公子忠吉婦翁。於是出傳命。因颺言曰。儲君逗撓。不及大事。公等亦焉得不分責也。諸將惶恐而退。獨忠利留謂之曰。儲君後期。以攻上田爾。主公不必深尤。子何遽諾之為。直政曰。吾為儲君歎恨。不能不言。忠利作色曰。藉令儲君失

日本外史 卷之三十一 德川氏

日本外史 卷之五 賴氏藏

牧野右

馬允

本多飛

彈守

舌戰勝武

功

本多正純

願罰父正

信

上野介
正純

驩於主公。子勲威也。宜彌縫之。今乃衆彰其過。果何
意乎。願得聞其說焉。扣刀而進。牧野康成。本多成重。
救解而止。衆指忠利曰。彼今日舌戰。過往年武功。萬
萬。本多正純入白曰。愆期由於正信也。願罰正信。以
著儲君之無過。內大臣意稍解。二十日。至大津。召見
中納言。謂之曰。爲天下。猶奕碁也。旣勝其全局。則雖
有敵子存者。何足較輸贏哉。汝未聞若說乎。中納言
曰。爾時戶田左門諫兒。勿以小失大。誠如大人所言。
曰。彼微者也。故其言不行耳。乃召一西褒之曰。吾使
汝言可行矣。命爲大津留守。淺野彈正少弼奉命。從

山岡道
阿弥
福島掃
部頭
南宮見上
三十七葉
板倉伊
賀守

中納言而至。內大臣召而謂之曰。西面之事。我與秀
忠能辨之。東面獨有秀康。子往助之。以經理奧羽。彈
正少弼乃東。於是兩道之軍盡萃于大津。侯伯將士
來謁者如雲。前田利長。圍青木一矩于越前數日。而
捷聞至。一矩懼降。納質及賂。利長受質卻賂而來謁。
內大臣慰勞之。問曰。令弟何如。利長嘖嘖不敢對。內
大臣曰。子安之。尊公嘗以子兄弟託於我。我豈忘之
哉。使罷埃命。山岡景友奉命徇伊勢。援福島正賴守
長島。及捷聞至。出兵要南宮。敗兵擊走之。取桑名。龜
山。神戶諸城。而來謁。內大臣乃遣與平信昌入京師。

日本外史 卷之五 賴氏藏

日本外史 卷之五 賴氏藏

加藤喜左衛門 大久保 十兵衛 後石見 守

以板倉勝重加藤正次大久保長安為副行所司代事捕僧惠瓊二十二日遣直政忠勝率列侯臨大坂輝元長盛復乞降不答二十四日中納言入京師二十七日內大臣入大坂遠近屏息十月朔命與平信昌徇石田三成小西行長僧惠瓊斬于六條河原併長束正家首梟于三條磔伏見城中應敵者十八人于粟田口遂下令伐西南諸國未定者以中納言為大將刻期發軍十九日中納言入大坂輝元長盛乞降益力乃放長盛于高野使藤堂高虎收其郡山釋其留守渡邊了屬高虎削輝元六國收浮田秀家三

輝元乞降 益力 勘兵衛 了一名 吉光

修理大夫 義久 夫龍伯

大友修理大夫 熊谷垣 見前 中川修 理大夫

國浮田氏臣某來告秀家既死而潛使秀家奔依島津氏島津義弘之歸自關原其兄義久囚之而乞降內大臣曰我初遇義弘父子甚厚何所負而黨亂入是固在所不許雖然吾不忍復勞兵乃許其降義久欲來謝會疾作伊集院族亦為亂以故未能來也初豐後故主大友義統應西軍欲復其舊國首逼杵築杵築告急於黑田加藤氏黑田孝高方以募兵萬人發中津南伐聞之赴援與杵築兵合擊破而降之轉攻熊谷垣見氏邑偶得關原逃卒縱入其城城皆降遂助中川氏攻下太田氏盡定豐後還入豐前攻香

日本外史 卷之五 德川氏

日本外史 卷之五 賴氏藏版

太田飛
彈守
大村丹
後守

錫島加
賀守

參河增
時

宗茂增時
見上十六

葉

久留米

侍從秀

包

筑紫上

野介

春小倉。踰月皆下之。轉入筑前。加藤清正援杵築。不
及。乃攻宇土八代。肥前大村氏始不應。西軍於是發
兵助清正。清正亦使關原逃卒入諭焉。二城皆降。薩
摩兵援八代。至水股而遁去。清正乃與孝高約夾攻
筑後。錫島直茂舉兵應之。擊立花宗茂。宗茂既降。東
軍。孝高。清正和解之。召立花增時行成。宗茂乃出面
曰。公等豫知內府必勝。非我所及也。清正置之熊本。
遂與孝高徇下毛利秀包。筑紫廣門邑。十一月。合二
肥。二筑。二豐兵。臨薩摩境上。日向伊東氏世與薩摩
仇。攻取宮崎。佐土原。引兵來會。內大臣聞之。下令告

伊東修
理大夫
內記忠
明
佃四郎
兵衛
鈴木平
兵衛
小野縫
殿助

石川掃
部助

細川藤孝
守田邊見

島津氏既下。弭其兵。以定九國。初毛利氏遣將。徇伊
豫。攻真崎。加藤忠明為兄嘉明留守。與其將佃一成
隨方防禦。大破之。長曾我部盛親還自關原。因井伊
氏乞降。許之。盛親有庶兄。與藤堂氏善。盛親恐其代
己。迫使自殺。內大臣怒。遣井伊氏將鈴木重好奪其
封。以定四國。初福知山城主小野木重勝與圍田邊
城。既解。據其邑。及大捷。細川忠興以其父仇。請而討
之。重勝自殺。石川賴明與圍大津。及捷而降。其父數
正為我叛臣。以故不許。當斬。并重勝首梟之。細川藤
孝之守田邊也。以死自矢。藤孝長詞學。受古今集於

日本外史 卷之五 藤孝氏

日本外史 卷之五 賴氏藏版

上三十三

葉 谷出羽

京極高次

守大津見

上三十三

葉

西三條氏敵將谷衛友等其弟子也陰通教不允於
統朝廷恐其學絕傳也遣廷臣諭使行成及聞捷藤
孝自愧遁高野京極高次亦愧不敢來謁內大臣使
人諭高次曰子守孤城使數萬敵衆不及於事功亦
多矣乃召見之以前田玄以坐視田邊大津之難黜
之尋徙封丹波八上青木一矩丹羽長重等亦坐觀
望失邑九鬼守隆初招其父嘉隆嘉隆不肯守隆乃
止陣于畔乘及大軍西上恐獲罪乃進戰効首級於
途內大臣不懌及大捷嘉隆懼奔新宮守隆爲乞命
得允馳使迎之未至而嘉隆自殺真田昌幸與少子

幸村來乞命不許長子信幸因井伊柳原二氏固請
內大臣使言之於中納言中納言曰我失關原之期
實終身之憾而致之者昌幸也必處之死信幸固請
曰嚮也臣寧負父不能負君今也寧死徇父不生事
君柳原康政入白兩公嘉之爲宥死一等放之高野
先是關原之報至陸奧上杉景勝大驚急召還山形
軍佐竹義宣亦懼議降東北亦稍定十二月內大臣
與中納言及諸親信議曰禍亂略定當裂天下賞有
功乃以關東八國立爲根本之地居江戶城如故以
越前尾張近江伊勢封宗族舊臣其餘盡爲外藩賜

日本外史 卷之五 賴氏藏版

加賀能登。越中于前田利長。爲一百萬石。賜肥後于加藤清正。爲七十萬石。賜備前美作于小早川秀秋。安藝備後于福島正則。筑前于黑田長政。播磨于池田輝政。並爲五十萬石。賜豐前于細川忠興。爲四十萬石。賜紀伊于淺野左京大夫。筑後于田中吉政。並爲三十萬石。賜丹後若狹于京極高知。因幡伯耆于中村忠一。出雲隱岐于堀尾吉晴。土佐于山內一豐。阿波于蜂須賀至鎮。讚岐于生駒一正。伊豫于加藤嘉明。藤堂高虎。並爲二十萬石。賜飛彈于金森可重。丹波福智山于有馬豐氏。美濃高須于德永壽昌。伊

出雲守
可重

勢神戶于一柳直盛。其阿濃津于富田知信。其松坂于古田重恒。伊賀于筒井定次。信濃上田于真田信幸。因幡鳥取于池田長吉。備中庭瀨于戶川達安。豐後日出于木下延俊。或益封。或依舊。賜肥前四萬石于寺澤廣高。美濃二萬石于西尾光教。以信濃之邑賞木曾諸士。諸降附之國。改立其嗣。賜薩摩大隅日向于島津忠恒。爲七十萬石。賜長門周防于毛利秀元。肥前于鍋島勝茂。並爲三十萬石。以攝津河內和泉六十餘萬石。隸大坂。賜越前于少將秀康。爲六十萬石。賜尾張于下野守忠吉。爲二十萬石。賜近江

古田兵
部少輔
池田備
中守
木下右
近大夫

日本外史
卷之五
德山氏
賴氏

日本外史 卷之五 賴氏藏

澤山于井伊直政為十八萬石賜伊勢桑名于本多忠勝併舊封為十七萬石賜美濃加納于與平信昌其大垣于石川康通賜上野高崎于酒井家次駿府于內藤信成濱松于松平忠賴岡崎于本多康重增酒井忠利秩為萬石餘各有差外藩以今歲發命舊臣以明歲發命乃使中納言入朝告成事令諸冒豐臣氏者皆復本姓豐臣氏嘗立皇庶子良仁為太子而非天子意也於是欲立皇嫡子政仁謔於內大臣內大臣對曰是非臣所敢議也嫡庶之分唯帝心裁之天子即以政仁為皇太子六年正月內大臣在大

外藩以今歲發命舊臣以明歲發命

六年

坂西城中納言在二城入見秀賴于牙城列侯諸將盡朝西城賀正先是修伏見城三月成徙焉朝廷欲酬內大臣勲勞擬以大將軍大將軍之拜自足利氏亡後莫復舉其禮內大臣不敢當且恐其勞費天下也固辭乃以中納言為大納言陞從二位下野守忠吉叙從四位下任侍從舊臣多進爵者於是以西事既平使大納言往平關東諸國四月發伏見歸江戶佐竹義宣懼討迎之品川謝罪請降使往伏見請之於內大臣內大臣曰乘時舉事英雄之常不足深咎也獨觀望兩端者可鄙之甚故吾憎義宣過於景勝

日本外史 德川氏 賴氏藏

日本外史 卷之三十一 賴氏藏版

蒲生飛
彈守

南部信
濃守
戶澤右
京亮
本堂源
七郎

乃不許見。使就第。竢罪。景勝屢因少將秀康謝罪。秀康以為景勝方失勢。乘之非武。因為請納其降。內大臣許之。七月。景勝來謝。伏見。八月。收其會津一百萬石。賜米澤三十萬石。以會津賜蒲生秀行。食六十萬石。伊達政宗藉大捷之威。數侵上杉氏。違密命。又誘南部反。臣和賀忠親作亂。及事不成。殺忠親。滅口。乃停前約。割上杉氏地十二郡。六十二萬石。賜之。加最上義光。堀秀治之封。命二人率南部。戶澤。本堂。村上。溝口氏。擊平會津城邑未服者。會津之老直。江兼續。初與石田三成定密謀。本多正信請特加刑。內大臣

村上周
防守
溝口伯
者守
此使反側
子安之計
與漢高封
雍齒同一
妙
小松中
納言利
常
林信勝
林蘿山
本願寺
蓮如
頭如光
佐
光壽教

曰。與此謀者。豈獨一兼續。吾蕩滌天下。何必介介也。釋不問。九月。召前田利長。任子利常。冠之。遣歸。以大納言女妻之。內大臣方銳意求治。時藤原肅益有名。石田三成嘗欲聘之。不就。尋應淺野氏之招。至是。內大臣數延之。諮問太平之策。後聘其門人林信勝。為博士。以備顧問。是歲夏。奏加供御之地。及廷臣食邑。給豐國廟以萬石。其他寺祠皆給采田。初本願寺祖。姓藤原氏。稱親鸞。創一向法。蓄妻食肉。八世孫兼壽。始建寺于山科。尋徙大坂。其曾孫光佐與織田信長。構兵。所在門徒爭戰不已。後助豐臣秀吉西伐。誘其

日本外史 卷之三十一 賴氏藏版

日本外史 卷之五十一 聖 賴氏藏版

如 光昭 順

門徒通薩摩之道。以功建寺于京師六條。光佐死。二子光壽。光昭母美秀吉納之。因立光昭。內大臣之東伐。二人皆送之江戶。為石田氏所沮。光壽獨間行而達。歸匿京師。已而大軍西上。黑田長政請誘門徒。撓京畿。內大臣曰。吾以武定天下。何借浮屠力哉。乃止。大捷後。光壽迎賀大津。內大臣曰。光壽本當嗣也。乃為建寺于六條東。令天下門徒分屬東西。以板倉勝重。加藤正次。為京師所司代。掌獄訟及寺祠事。尋罷。正次專任勝重。亂後物情不定。事務極繁。勝重詳雅強敏。人人無不厭心。其他大津。草津。界浦。尼崎等地。

板倉四郎右衛門後伊賀守 所司代

內藤修理亮 青山權守 奧平大膳大夫 七年

皆置吏。吏皆稱職。又城于膳所。使戶田一西守焉。遂命關西諸侯。城于京師二條。以為駐駕之地。以大番士人更戍之。十一月。內大臣乃歸江戶。尋使大納言居牙城。而自居西城。天下牧長請朝于江戶。辭不許。先是以本多正信。內藤清成。為關東奉行。以綜庶務。於是命青山忠成。為副。賜與平家昌。以宇都宮。食十萬石。七年正月。內大臣進從一位。大納言進正二位。前田利長請朝江戶。以為天下之率。自山道東下。內大臣避之京師。留大納言當之。利長至。大納言親迓之于板橋。待遇甚渥。利長喜出望外。乃就第。獻名刀。

德川氏 賴氏藏版

馬鷹金百枚。旦日入謁。大納言出坐前殿。諸將羣臣左右臚列。擯者出。延利長坐之下。坐。尋行饗禮。賜名刀一口。金百枚。銀千枚。時服百領。遣之。利長遂赴伏見。謁內大臣而去。三月。內大臣適大坂。賀正。尋還。伏見。後以爲常。四月。賜島津氏印信。島津義久既平國內反者。欲興疾入謝。反者復起。不果。五月。朔。內大臣入朝。二日。朝皇太后。因留在京師。六月。奏請剪南都黃熟香。天使來蒞。本多正純掌其事。八月。生母水野氏卒。爲建傳通院。十月。內大臣歸江戶。十一月。復赴伏見。十二月。島津忠恒盡平國內亂。來謁。謝其稽緩。

黃熟香

浮田氏臣
基告秀家
既死見前
四十五葉

流浮田秀
家八丈鳥

右近大
夫直勝
常陸介
義重
忠次郎
貞隆

之罪。先是前田利長告浮田秀家未死。乃召浮田氏臣嘗告其死者。詰之。告者請死。內大臣嘉其忠。祿之。於是忠恒白曰。秀家實在臣所。彼爲關原渠率。天下所不容。雖然。窮來投臣。臣不忍殺。願幕下枉包容之。乃宥死一等。流之八丈鳥。以明年赴配所。是歲春。井伊直政卒。直政以關原功。首賜石田氏故邑。居于澤山。尋奉命城彦根。未成而沒。其子直勝襲封。是歲夏。內大臣欲廢佐竹義宣爲庶人。以其父義重乞哀。乃收其常陸八十萬石。賜出羽秋田二十萬石。收其弟貞隆之岩城。賜出羽龜田。以秋田氏不從關原之役。

稻葉佐
渡守
平岡石
見守
有罪于關
原蓋言致
中納言後
戰期見上
四十三葉
上總介
忠輝
鳥井左
京島

收其國。賜常陸穴戶。命松平康重。檢常陸地。佐竹氏將車猛虎作亂。襲水戶。康重豫知之。邀擊擒猛虎。是歲冬。小早川秀秋卒。無嗣。收其備前。以其老稻葉平岡氏嘗有功于關原。召而用之。內大臣欲賜神原康政。以水戶。辭曰。臣有罪於關原之役。免罰受賞。臣所不安。臣邑密邇江戶。緩急得以致身。不可徙也。遂馳還館林。本多正信使人止之。不聽。於是封五男信吉于水戶二十萬石。以其舊封佐倉。封七男忠輝。以岩城賜鳥居忠政。食二十萬石。以酬其父元忠死義。自關原之役。至于此。賞罰略畢。天下大定。八年二月。天

八年

征夷大將
軍右大臣
淳和
兩院別當
源氏長者
隨身兵仗

皇詔以源家康為征夷大將軍。進右大臣。兼淳和將學兩院別當。補源氏長者。賜隨身兵仗。十二日。大納言藤原兼勝。參議藤原光豐。以傳奏司奉詔書。就伏見拜焉。少將秀康。進參議。叙從二位。其餘戚屬將吏。叙任有差。二十二日。入朝拜命。井伊直勝。本多忠勝等十餘將。騎從輿傍。參議德川秀康。參議細川忠興。參議京極高次。少將池田輝政。少將福島正則。為後乘。獻白金萬兩。皇后皇太子及宗室百官。皆有贈遺。天皇賜之酒曰。天下亂久矣。汝能略定之。朕勤汝功。使舉乃祖之職。宜統我師。以鎮護王室。大將軍誓首

德川氏

永井右近大夫

尾張大納言義直

曰家康雖不才敢不服膺王命禮畢而出文武庶僚悉詣二條城賀之。大將軍初捷於關原。即使永井直勝就細川藤孝。諮室町禮式。於是又與藤孝議禮。是歲春封七男忠輝于信濃川中。封八男義直于甲斐。義直幼未之國。使平岩親吉攝其國事。徙川中城主森忠政于美作。加其封。三月西道牧長盡朝江戶。四月大將軍還伏見。時豐臣秀賴為內大臣。年已十一。大將軍欲以孫女妻之。六月大納言使夫人淺井氏携女赴京師。七月使大久保忠隣送女于大坂。黑田長政以弓銃手三百衛之。大將軍聞之弗憚。豐臣氏

大納言兼右近衛大將

紀伊大納言賴宣
掃部頭直孝

大融公家光

素尚奢華。於是欲以白綾覆城內道途。片桐且元曰。德川公不喜此等事。趣撤之。婚既成。秀賴不妻視之。淀君不婦視之。使福島正則密徵西諸侯誓書。十月大將軍辭右大臣。尋歸江戶。十一月大納言兼右近衛大將補右馬寮御監。先是水戶城主信吉卒。無嗣。封九男賴宣於水戶。是歲召井伊直政遺腹子直孝于江戶。九年二月令東北三道定道程置堠樹。以三十六町為一里。用織田氏故法。既而西南四道皆倣之。三月大將軍入京師。六月入朝。七月大納言夫人淺井氏生男家光于江戶。大將軍授其幼字呼竹千

日本外史 卷之三十一 高比張良

以黑田孝高比張良

松前伊豆守

非自我求和

代是歲藤堂高虎倡議使諸侯置邸及質于江戶相
良氏首納其母衆繼之是歲黑田孝高卒關原之事
孝高之計居多其定九州不妄戮一人既而告老謝
絕世事大納言比以漢張良及卒殊悼惜之自關原
之捷德川氏威溢海外紅毛安南諸國皆來貢而松
前慶廣奉教旨約束蝦夷先是大將軍謂對馬守宗
義智曰豐臣氏伐朝鮮非我所知我與彼皆無怨仇
彼苟欲入貢我當許之然非自我求和予體此意往
試計之義智之國遣使諷之朝鮮苦明人來戍
也欲速成和然喜懼相半是歲使孫文或等來對馬

十年

請入見且求還其俘囚義智馳使報之大將軍答曰
明春吾父子將入朝卿率諸京師以候義智如其教
板倉勝重受旨館之大德寺十年正月大將軍入京
師二月見韓人于伏見令諸道檢韓俘返予謂義智
曰吾將老矣貢使來致之江戶又曰吾欲舉鎌倉禮
使右大將拜賀期在近矣宜留韓人觀其儀衛乃賜
義智邑于肥前三月大納言率上杉佐竹伊達最上
氏西上特命鳥居忠政爲後殿仗戟載途者十有七
日先入伏見遂入朝拜大將命四月大將軍奏請辭
職優詔許之且欲遷爲左大臣固辭而還十六日詔

日本外史 卷之三十一 德川氏 紀元 賴氏藏版

大御所

池田武藏守
松平隱岐守
使光次造方金

以源秀忠為征夷大將軍。遷內大臣。陞正二位。仍帶舊職。弟忠吉進三位中將。弟忠輝任四位少將。十日入朝拜命。東諸侯及前田毛利島津氏盡從。自是世號前大將軍。曰大御所。五月。前將軍諷豐臣秀賴使入朝。淀君性猜忌。固執不遣。少將忠輝奉命往告。襲職焉。六月。大將軍歸江戶。七月。課諸侯十餘名。重修伏見城。十月。前將軍歸江戶。十二月。養榊原康政女。妻池田利隆。又謂異父弟松平定勝曰。島津淺野皆冀與我結婚。汝二男皆已可有室矣。宜使長男娶島津。次男娶淺野。定勝奉命。是歲。令金工光次更造方

後藤光次
石見守
長安

十一年

遠江守
康勝

金。初上杉氏有佐渡。毛利氏有石見。皆出白金。然不能多鑄造。豐臣氏收佐渡亦無大利。及前將軍收二國。使甲斐人大久保長安掌之。居二歲。得數萬斤。長安又採於伊豆。其利亦等。乃因豐臣氏故制。造金幣。次年。又鑄新錢。民皆便之。十一年。春。前將軍建白。禁廷狹隘。不可行朝儀。遂課天下侯伯修拓之。各刻名于礎。參議秀康掌其事。秀康尋遷中納言。又大修江戶城。使藤堂高虎率池田福島加藤黑田淺野細川等十五姓助工。二月。前將軍赴京師。五月。榊原康政卒。命子康勝襲封。九月。賜島津忠恒松平氏及偏

改名家久

水戸中
納言賴
房

安藤對
馬守
十二年

諱改名家久。自是諸藩多賜氏。是月江戶城成。宏壯稱天下第一。藤堂氏以功賜備中地萬石。其餘有差。十月前將軍歸江戶。是歲封十男賴房于常陸下妻。食五萬石。為少將忠輝娶伊達氏。罷內藤清成。青山忠成奉行職。以安藤重信代之。徙駿府城主內藤信成于長濱。十二年正月。課海道及畿西諸國。城于駿府。前將軍嬰疾昏倒。既而愈。有訛言。二月乃張四部散樂。下令縱觀。前將軍將軍率諸侯臨焉。訛言立止。先是中將忠吉有疾。少間來江戶。寓大久保氏。三月忠吉卒。無嗣。徙義直于尾張。食六十萬石。令平岩親

三位宰
相忠直
大和守
直基

吉居犬山。中納言秀康為伏見留守。是月以疾謁歸。兩月而卒。秀康武而善政。內外惜之。其子忠直襲封。後任少將。次子直基繼結城氏。三月前將軍老于駿府。以松平定勝為伏見留守。以井伊直孝副之。先是韓囚歸其國。說我新政。韓主心嚮之。五月遣使者呂祐吉等入貢。詣兩府。自是每將軍禪代。輒來。永為我屬國。兩將軍奏宗義智之功。為四位侍從。比十萬石。前代外國書信。皆委僧侶。於是命博士林信勝掌之。是夏課東北諸侯。作江戶天主閣。十月前將軍之江戶。舉西城府藏。貺將軍。又設茶會。而招將軍。以上杉

十三年

主勝正
利宗
周防守
康重

景勝佐竹義宣伊達政宗為接伴皆手賜茶當是時
兩公數臨諸侯邸每極歡焉十二月前將軍還駿府
府城災十三年再城之三月成九月將軍率諸侯往
賀焉自是兩公往來二府而豐臣氏以下歲使使駿
府賀正是歲筒井定次以淫虐前田利宗以喪心並
收封以利宗邑八上徙封松平康重以其地形不足
以扼山陰乃改城于篠山課藤堂及池田福島加藤
淺野氏十四年正月義直之國前將軍送之二月歸
九月徙脇坂安治于大洲富田知信于宇和島以伊
賀伊勢二十三萬石賜藤堂高虎治阿濃津比勲舊

十四年

島津氏討
琉球

新納刑
樺山美
濃

之臣先是廷臣有結伴姦淫者前將軍奉敕命板倉
勝重按治之十一月誅其首罪一流竄其餘十二
月封賴宣于駿河遠江五十萬石治于濱松徙賴房
于水戶是歲諸侯妻子盡至江戶令其會同者留期
年而去著為永制禁西諸侯多造戰艦先是島津家
久奉教招琉球琉球不至請而討之是歲春遣其將新
納一氏將八千人南伐樺山久高為先鋒抵東求島執
琉球戍兵三百夏攻難巴津虜以鐵鎖聯船扼守津
口而津傍有山險多蛇蝎虜恃不置兵我軍放火赭
山而上進奪楊睽灘戰于千里山不利轉攻朝築城

日本外史 卷之五 五十一 賴氏藏版

拔之。琉球王尚寧使其弟具志來乞降。不許。五戰而至國都。擒尚寧及王子大臣數十人。而嚴禁抄掠。安撫國民。以六十日定琉球。秋幕議以琉球賜島津氏。為其臣隸。先是我賈舶至阿媽港。皆見誘殺。其三人潛逃歸。告之。是歲港人二百至長崎。幕府命原城主有馬晴信助長崎奉行長谷川藤廣擊虜港人。後二歲其大人來謝。乃給印信許互市。十五年正月將軍以內藤忠重為嗣子傅。松平正綱子信綱阿部正次子正秋為侍臣。二月將軍適駿府。先是堀忠俊之宰堀直清專政。讒庶兄直寄逐之。直寄奔訴之駿府。閏

有馬修
理大夫
長谷川
左兵衛
十五年
內藤志
磨守
右衛門
網大夫正

二月兩公親聽之。直清辭屈。放之山形。放忠俊岩城。封直寄于信濃飯山。以越後封少將忠輝。併舊封為五十萬石。治于福島。尋遷高田。是月將軍大獵于遠江。本多忠勝自桑名來謁曰。往年老僕從太公拒武田信玄于茲。爾時以信玄兵為衆盛。不可當也。今郎君之衆。什倍信玄矣。是春為義直城名護屋。課前田氏以下十七國助役。諸侯助篠山役者告竣。命助名護屋。福島正則謂池田輝政曰。土木荐興。我輩因敝。若夫兩府所不敢辭。此等私役。復驅使我輩。何也。子為駿府愛婿。蓋為我輩說之。清正奮髯曰。左衛門何

伊豆守
信綱
備中守
正次
曹後守
正秋
越後守
忠俊
監物直
清
丹後守
直寄
城名護屋

日本外史 卷之五 五十一 賴氏藏版

日本外史 卷之三十五 賴氏藏版

出此言。不欲助役。則不如速反。不能反。則何出此言乎。輝政大笑而止。前將軍聞之。使輝政言諸侯曰。厭土木者。宜速就國。高壘深溝。以俟我旆。諸侯大懼。併力就役。數月而成。八月。島津家久攜琉球王來謁駿府。獻方物。遂造江戶。九月。將軍釋王使復其國。命島津氏歸俘虜。十月。本多忠勝卒。忠勝自十四歲從軍。大小五十餘戰。每戰皆捷。而未嘗被創。前將軍殊悼之。使長子忠政襲封。自是藤堂高虎代忠勝鎮伊勢。十六年。三月。前將軍如京師。先是。朝旨欲以為太政大臣。固辭不拜。是月。皇太子受禪。是為後水尾天皇。

美濃守 忠政 十六年 後水尾天皇

前將軍命諸侯修上皇宮。多置供御地。前將軍使人謂豐臣秀賴曰。自結婚未相見。恐生物議。願一來以定衆情。秀賴年十九。驕逸不知外事。事皆決於淀君。淀君欲不遣。嫡母淺野氏使使諭其不可再違命。乃遣之。四月。詣二條城。前將軍饗而還之。遣義直賴宣往大坂謝之。遺白金一萬三千兩。乃歸駿府。是月。淺野彈正少弼卒。前將軍最與少弼親善。以常陸真壁五萬石為其湯沐邑。而時召見與圍碁。及其沒。不復奕也。乃賜真壁于其季子長重。五月。加藤清正卒。嗣子忠廣猶幼。幕議使藤堂高虎往視國事。十一月。兩

采女正 長重 虎之助 肥後守

日本外史 卷之三十五 藤堂高虎

忠廣
角倉貞
順

乞互市者
二十餘國

長崎互市
耶蘇教

耶璵子

公偕獵于上野。先是京師富人角倉某上書言便宜。請通丹波之漕。許之。尋命通甲斐駿河之漕。是歲。又請引鴨川通伏見。又許之。當是時。夷蕃入貢。若乞互市者。二十餘國。前將軍命吏贈書於明福建守。因故事。請勘合印。守疑懼不答。而其商舶來者益衆。乃以長崎爲互市地。禁他依泊。初豐臣氏禁耶蘇教。既而禁弛。至是蠻人耶璵子上變。告倡蠻教者皆覬覦。非望。乃令海內檢蠻人。盡逐之。我民奉其教者。命僧諭之。不聽者處流斬。置耶璵子于江戶東郭。厚視之。又有告有馬晴信修蠻教。次年放晴信于甲斐。尋賜死。

十七年

本多飛
彈守
下野守
忠明

其子爲前將軍義女孫婚。因得襲封。十七年正月。平岩親吉卒。無子。親吉爲義直假父。以故不敢立。後前將軍適尾張。二月歸。六月。徙京畿豪商于江戶。七月。修春日祠。先是祠樹折。朝議以爲凶兆。來諮前將軍對曰。是神欲以修祠耳。乃有是命。因給穀祿。准伊勢大廟。又嘗與朝臣議制天下寺祠修造之節。而嚴禁新立焉。是時。越前列宰爭權來愬。十一月。兩公在江戶。聽之。一人坐不直。處流。一人愧耻自殺。前將軍遣本多成重爲宰。與舊宰並視國事。成重。重次子。幼侍秀康者也。是歲蒲生秀行卒。子忠明以我外孫嗣。鎮

日本外史 卷之三十一 德川氏 三十一 一頁 八十八

十八年
池田氏實
楠氏

帶刀判
官正行
兵庫助
教正
紀伊守
恒利
武藏守
利隆
左衛門
督忠繼
官內少
輔忠雄

會津。十八年正月。命三十七藩修皇宮。是月。池田輝政卒。池田氏實楠氏。楠正行之死節。遺服于教正。育於攝津池田氏。其裔恒利始徙尾張。恒利孫為輝政。輝政助德川氏定禍亂。人以為不辱其祖。長子利隆襲封播磨。二弟忠繼。忠雄。並以我外孫。分領備前淡路。八月。淺野左京大夫卒。關原之役。大夫首破岐阜。功最大。而保護豐臣氏不衰。前將軍心深躓之。遂約以其女妻義直。未成婚而卒。無子。有二弟。仲長。晟。稱但馬守。少在大坂。國人避嫌。請立叔長重。前將軍命立仲襲封。是歲春。大久保長安姦利事覺。會病死。誅

玄蕃頭
康長
富田信
濃守
高橋右
近大夫

馬場八
左衛門
加賀守
忠常
山口但
馬守

其七子。故石川數正子康長。連坐奪邑。以康長邑深志。賜小笠原秀政。復其舊封。是歲冬。富田知信。高橋元種。皆有罪。收封。是時。大久保忠隣。本多正信。土井利勝。安藤重信。酒井忠世。為江戶老中。本多正純。成瀨正成。安藤直次。為駿府老中。分執天下諸政。是歲秋。前將軍適江戶。十二月。將還駿府。舍于中原。甲斐人馬場忠時。上變事。曰。大久保忠隣。謀不軌。馬場嘗蒙譴。故小田原。請忠隣申雪。不見省。怨望。先是忠隣喪其子忠常。乃稱疾謁歸。又與山口重政婚。吏劾其不告。奪重政封。忠隣謝罪。不報。乃杜門不出。馬場時

日本外史 卷之三十一 德川氏 三十一 一頁 八十八

里見安房守忠
義車人正
正成
南光坊
天海

之也。又聞正信與忠鄰有卻。遂因本多氏誣告。前將軍驚還入江戶。令忠隣如京師。檢耶蘇教。踰歲。正信傳命京師。放忠隣于彦根。毀小田原外郭。逐其士臣。設兵備于箱根。前將軍乃歸駿府。板倉勝重奉命詣忠隣。館人走報。忠隣方與客奕。徐歛局而出。聽命京師。驚擾。忠隣乃縛鎧仗。送之板倉氏。終赴彦根。其族皆連坐。叔父忠佐卒。亦除國。毀城安房里。見氏坐。與忠隣交通。奪國。忠鄰自配所。上書駿府。曰。縱伏誅。而明無反心。有司不敢通。獨成瀨正成爲通之。僧天海以密教見親近。亦從容中救。以將軍怒不釋。乃止。及

刊經藉

井伊直孝領彦根。勸忠隣再訴。辭曰。是顯君過也。亦止。兩將軍思大久保氏舊勳。使忠常子忠季襲其封。二萬石。後竟復其舊。前將軍素留意學術。捷於關原之年。卽取經藉。未經刊行者。盡上之木。以修禮文爲志。自讓職以來。益令天下。購求遺書。引廷臣。諳典故者。與林信勝等。講究於前。日夕不倦。又招文學之士。無緇素。皆禮重之。是歲。親試以爲政。以德頌。將軍亦試草尚之風。必偃賦。

日本外史 卷之二十一 賴氏藏版

補草尚之屬必難風... 無礙... 志日... 日本外史卷之二十一終

日本外史卷之二十一終

